

## Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով  
19.12.2021թ. կայացված ԱՖ813165 որոշումն անփոփոխ, իսկ վարչական բողոքն առանց  
բավարարման թողնելու մասին

<< 10 >> 02 2022թ. 7-13- 1741

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,  
վերանայելով Կարեն Պետրոսյանի ՄԴ/2611-22 դիմումի քննարկման արդյունքում ստեղծված  
նյութերը՝

## Պ Ա Ր Զ Ե Ց Ի

Քաղաքացի Կարեն Պետրոսյանը (**ծանուցման հասցե՝** Արարատի մարզ, գյուղ Այնթափ,  
14-րդ փողոց, 7-րդ տուն) դիմումով խնդրել է չեղյալ համարել Ճանապարհային  
ոստիկանության վարչական իրավախախտման վերաբերյալ գործով կայացված ԱՖ813165  
որոշումը՝ նշելով, որ 19.12.2021թ. կնքել է ԱՊՊԱ պայմանագիր, սակայն ապահովագրական  
ընկերության աշխատակիցը չի տեղեկացրել, որ պայմանագիրը գործում է հաջորդ օրվանից:  
Միաժամանակ հեռախոսակապի միջոցով պնդել է դիմումում նշված հանգամանքները,  
հայտնել է, որ ավելացնելու ոչինչ չունի և խնդրել է դիմումը քննել առանց իր մասնակցության:

Դիմումի քննարկման արդյունքում պարզվել է, որ ակտը ենթակա է կատարման հետևյալ  
պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության  
պարտադիր ապահովագրության մասին>> 5-րդ հոդվածի 4-րդ մասի համաձայն՝  
յուրաքանչյուր անձ պետք է մշտապես ունենա սեփականության իրավունքով իրեն  
պատկանող (ֆինանսական վարձակալության (լիզինգի) պայմանագրով իրեն տրամադրված)  
և Հայաստանի Հանրապետությունում հաշվառված յուրաքանչյուր ավտոտրանսպորտային  
միջոցի համար կնքված և գործող ԱՊՊԱ պայմանագիր: Արգելվում է ընդհանուր  
օգտագործման ավտոմոբիլային ճանապարհներով ավտոտրանսպորտային միջոցի վարումը,  
եթե դրա համար առկա չէ այն վարելու պահին գործող ԱՊՊԱ պայմանագիր:

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ  
մասի համաձայն՝ առանց տվյալ տրանսպորտային միջոցի համար կնքված  
ավտոտրանսպորտային միջոցի օգտագործումից բխող պատասխանատվության պարտադիր  
ապահովագրության գործող պայմանագիր ունենալու՝ Հայաստանի Հանրապետության  
տարածքում ընդհանուր օգտագործման ավտոմոբիլային ճանապարհներով տրանսպորտային  
միջոցը վարելը՝ առաջացնում է տուգանքի նշանակում՝ սահմանված նվազագույն  
աշխատավարձի հարյուրապատիկի չափով:

Ճանապարհային ոստիկանության ծառայողների կողմից տրված պարզաբանման  
համաձայն՝ ծառայության ընթացքում նկատել են <<MERCEDES-BENZ>> մակնիշի 35ZU476  
հաշվառման համարանիշի տրանսպորտային միջոցը երթևեկելիս, <<ASWA.am>>

Հայաստանի ապահովագրական ընկերությունների Ավտոապահովագրական միասնական առցանց համակարգի միջոցով հայտնաբերել են, որ այդ տրանսպորտային միջոցը չունի գործող ԱՊՊԱ պայմանագիր, ինչից հետո սահմանված կարգով կանգնեցրել են և ստուգման ժամանակ վարորդը չի ներկայացրել գործող ԱՊՊԱ պայմանագիր, ինչի կապակցությամբ կազմվել է համապատասխան արձանագրություն և կայացվել ԱՖ813165 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Ուսումնասիրությամբ պարզվել է, որ 19.12.2021թ. ժամը՝ 16:10-ին Տավուշի մարզի Զորական գյուղի հատվածում քաղաքացի Կարեն Պետրոսյանը <<MERCEDES-BENZ>> մակնիշի 35ZU476 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն, կայացվել է ԱՖ813165 որոշումը՝ վերջինիս 100.000 ՀՀ դրամի չափով տուգանելու մասին:

Նշված փաստը հիմնավորվել է ՀՀ ապահովագրական բյուրոյի հայտնած տեղեկատվությամբ՝ <<MERCEDES-BENZ>> մակնիշի 35ZU476 հաշվառման համարանիշի ավտոմոբիլը 19.12.2021թ. ժամը՝ 16:10-ին չի ունեցել գործող ԱՊՊԱ պայմանագիր, այսինքն վերը նշված տրանսպորտային միջոցը ապահովագրվել է <<Նաիրի ինշուրանս>> ապահովագրական ՓԲԸ-ում 19.12.2021թ. և հատկացվել է SL978119 ԱՊՊԱ վկայագիրը, որն ուժի մեջ է մտել 20.12.2021թ. ժամը 00:00-ից մինչև 19.03.2022թ.:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 19.12.2021թ. կայացված ԱՖ813165 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Կարեն Պետրոսյանին:

